

puere. — Mea sunt, ait Dominus, patris et filii animæ. — Meum est postulare et inquirere, at Dei est dare. — Sævitiæ Caligulæ et Nero merito insimulabantur. — Amanum ad patibulum alligari jussit rex Assuerus. — Injuriarum Cæsar libenter obliviscatur. — Hebræorum parvulorum misertæ sunt Ægyptiæ obstetrices. — Quemdam innocentem scelus commisisse duo iudices iniqui arguerant; lapidibus obrui jussi sunt. — O Deus, misericordiarum tuarum antiquarum memento. — Vestra retulisset Carthaginiensium componere cum Romanis. — Regis Saulis intererat parere Dei mandatis. — Ad legislatorum et magistratum prudentiam interest. — Tuum erat, Fabi, imperare, tuum erat, Minuci, obtemperare. — Dei gratiam flagitemus, nostraque erit victoria. — Sanctum virum Job vitæ tædebat. — Moysis miserta est filia Pharaonis regis. — Tuum erat, Pilate, insontem dimittere. — O Jesu, tu meus es; ego tuus sim nunc et in perpetuum. — Jesu Christi solius est aperire et claudere. — Non mea unius interest, aiebat Cicero, servare rempublicam.

Thème 52.

137-138. — Rebelles angeli, vestra retulisset Filium Dei adorare. — Cæsar Pompeiique intererat. — Ad agrorum culturam curamque pecorum interest. — Tuum erat Danielis (ou Daniel) Susannæ innocentiam demonstrare. — Avare, thesauros tu abscondis; advolat mors, mox tui jam non erunt. — Filii Dei est de vivis et mortuis sententiam ferre; nostrum est severum hunc Judicem formidare et mitigare. — Exilio damnatus est Sanctus Joannes Chrysostomus. — Superbum Nabuchodonosorem herbas cum animalibus pascere jussit Deus. — Dei nostri verborum meminerimus. — Sisygambis Alexandri benefactorum nunquam oblita est. — Philippi regis Macedoniae intererat filio suo Alexandro bonum præceptorem eligere. — Tua refert, discipule, magistro tuo auscultare. — Ad gloriam Alexandri retulisset iram suam

moderari. — Nabuchodonosor, arroganter dicis: « Mea est Babylon, urbs illa opulenta et splendida, » at mox tua jam non erit. — Proponit homo, sed Dei est disponere. — Apostolis dixit Jesus: « Non est vestrum scire tempora et momenta soli Deo reposita. » — Tempus utiliter impendamus; jam nostrum non est tempus præteritum. — Supervenit diluvium: tunc incepit incredulos pœnitere. — Ignarorum est velle semper loqui.

Thème 53.

133-138. — Divitiis redundabat Xerxes, at fidis amicis carebat rex ille potens et locuples. — Dixit Sion: « Mei Dominus oblitus est: » illi respondit Dominus: « Tui ego nunquam obliviscar. » — A rege Pharaone abeundi licentiam tandem obtinuerunt Hebræi. — Ex Absalonis morte David acutissimum concepit dolorem. — A Philistæorum tyrannide Israelitas Samson liberavit. — De Judæ prodicione apostolos Jesus Christus tandem admonuit. — Arsenium occidisse argutus fuit sanctus Athanasius; huncque ab urbe Alexandria discedere jusserunt Ariani. — Fuit Jesus Christus a Juda proditus ac venditus, ejuratus a sancto Petro atque ab omnibus apostolis derelictus. — De fine ultimo cogitemus et non peccabimus; Spiritus Sanctus nos hoc admonuit. — Hebræos ingratos et rebelles manna pertæsum est; christianos non debet Eucharistiæ tædere. — Caligulæ et Neronis retulisset odium populi romani non incurere. — Ad gloriam Theodosii imperatoris romani intererat non jubere cædem Thessalonicensium. — Dei solius est somnia interpretari. — Nostrum est poscere intellectum. — Alexandro dixerunt Scythæ: « Nostra est, non tua, ista regio. » — Prudentibus consiliariis amicisque fidelibus Valentiniano opus erat. — Joanni Baptistæ, Zachariæ filio, vino et sicera Domini Angelus interdixerat. — Vos audistis de ultima obsidione Lutetiæ et de fame quam passi sunt celebris illius urbis incolæ.

Thème 54.

Romanorum patientia abutebatur Catilina. — Hominum Deus miseretur; homines Dei beneficiorum sæpe obliviscuntur. — Dæmones ejiciendi morbosque depellendi potestatem a Jesu Christo apostoli acceperunt. — Victi sunt Israelitæ et arca capta est: id Heli, summus sacerdos, e milite audivit. — Venient angeli malosque a justis separabunt. — Gloria et divitiis Salomonem cumulavit Dominus. — Irridens dicebat Hanno: « Victorias reportat Annibal, Annibali tamen copiis semper opus est; Annibali semper opus est pecunia. — Saturninus, plebis tribunus, aqua et igni Metello interdixit. — Incantamenti sanctus Athanasius, Alexandriae episcopus insimulabatur. — Flammis æternis devorabuntur impii. — Quis ex vobis non audiit de pugna Cannensi et de victoria ab Annibale relata? — Ciceroni vigilantissimo consuli comperta erant Catilinæ consilia. — Juda, tu hominis Filium tradis; istius perfidiæ mox te pœnitebit. — Christiani, mea vestraque refert servire Deo. — Ad felicitatem Darii, regis Persarum, intererat non pugnare adversus Alexandrum, Macedoniae regem. — Vestrum erat, principes sacerdotum, oculos aperire et Jesu Christi agnoscere innocentiam. — Spongiam aceto implevit unus ex militibus, illamque Jesu Christo obtulit. — Andromacha perpetuo loquebatur de suo conjugate Hectore ab Achille occiso. — Jesus, postquam descendit de monte, leprosum mundavit. — Adolescentes de malis societatibus fugiendis admonemus.

Thème 55.

133-138. — Vino semper abstinuit sanctus Joannes Baptista, locustisque ac melle silvestri vescebatur. — Frustra clamat dives: « Abrahamæ pater, miserere mei », istius hominis inhumanitatis Abrahamus nunquam obliviscetur. — Largam pluviam a Deo obtinuit Elias propheta. — Ex filii sui Coriolani victoriis summum capie-

bat gaudium Veturia. — A Jesu Christo veram doctrinam audire apostoli: nos ab episcopis, apostolorum successoribus, eam audivimus. — A diaboli filii Dei filios secernunt fides, spes et charitas. — Jesum Deus Pater gloria et honore coronavit. — De conjuratione Titi ac Tiberii, Bruti filiorum, nonnullorumque aliorum juvenum Romanorum consules servus quidam admonuit. — Hypocrisis necnon et superstitionis sanctam Genovefam insimulare ausi sunt Parisii. — Tarquiniis favisse convicti sunt Bruti filii, illosque Brutus ipse mori jussit. — Deliciarum torrente inebriabuntur sancti. — Judæos olim pœnitere incipiet, et Jesu Christi necis amarè illos pœnitebit. — O Luther, tua referebat non aggredi sanctam Ecclesiam, matrem tuam. — Vestrum est, pastores, serere et irrigare; nostrum est semen accipere, at Dei est incrementum dare. — Solent senes benigne de præterito tempore loqui, et queri de præsentibus. — Peccavimus; cogitemus de agenda pœnitentia. — Pueri, hoc unum vos monemus: Bonorum sequimini discipulorum exempla.

Thème 56.

133-138. — Cum Jesu Christo sancti quiete aeterna fruuntur. — A sacerdotum principibus et a senatoribus ingentem pecuniam milites receperunt. — Ex utriusque mulieris responso veram pueri matrem Salomon cognovit. — A præteritis, præsentibus et futuris malis nos Deus liberet. — Magdalene cor ardenti amore impleverat Deus. — Stupenda patrabat prodigia antichristus; id nos Jesus Christus monuit. — Ad ignem damnatus fuit sanctus Polycarpus. — Legem non observavisse duæ mulieres accusatæ sunt; illas agi præcipites jussit rex Antiochus. — Exclamavit quædam mulier: Domine, Davidis filii, mei miserere; a dæmone crudeliter mea torquetur filia. — Bellum adversus Romanos Hannoni, Annibalis inimico, minime probabatur. — Judæorum intererat non crucifigere Jesum Christum. — Ad felicitatem juvenum

interest senum bona consilia sequi. — Dixerunt vineæ cultores : Heredem occidamus, nostra erit hereditas. — Darii diademate et toga perfidum Bessum Dataphernes Cathenesque spoliaverunt. — Divino lumine circumfusi, summoque terrore correpti sunt pastores. — Alcinous nunquam audierat de infortuniis Ulyssi, et ideo benigne auscultabat illi principi de rigore fortunæ querenti. — Sacerdotum principes Jesum exspirantem irridebant, de eoque dicebant : Descendat nunc de cruce, nos eum Filium Dei agnoscemus. — Helvetii de adventu Cæsaris moniti sunt.

Thème 57.

139. — In cælo habitat Dominus. — Sanctus Vincen-
tius a Paulo apud medicum aliquandiu, et deinde apud
christianæ religionis desertorem habitavit. — Multas ur-
bes inclytas in Hispania condidit imperator Augustus. —
Pompeius a Cæsare victus est in pugna Pharsalica. — In
Burgundia natus est sanctus Bernardus. — In Italia diu
pugnavit Annibal. — Apud Simonem leprosum Jesus
cibum sumpsit. — Sanctus Thomas in Indiis evangeli-
zavit. — Doeg regi Sauli dixit : Davidem apud summum
sacerdotem vidi. — In Hispania natus est sanctus Domini-
cus, qui in Gallia et præsertim in Occitania fidem prædi-
cavit. — In Anglia olim habitavi. — Crocodilus diem in
terra et noctem in aqua transit.

140. — Augustus Tiberium Drusumque in Gallias
misit. — Oppressi viri ad Davidem ibant. — Is qui oppri-
muntur onere peccatorum ait Jesus Christus : Venite
ad me, et ego vos allevabo. — Sanctus Patiens, Lugdu-
nensis episcopus, in Provinciam et in Arverniam fru-
mentum misit. — Ad imperatorem Valentinianum ivit
sanctus Germanus, et ab eo petivit gratiam quam impe-
travit. — Dixit juvenis prodigus : Ego surgam et ibo ad
patrem meum. — In Mesopotamiam Abrahamus Eliezerem
misit. — Omnes vos sitientes, ad aquas properate. — Ad

Caipham, summum sacerdotem, milites Jesum duxe-
runt. — Surrexit Petrus et ad sepulcrum cucurrit.

Thème 58.

141. — Attila ex Germania in Gallias processit, urbes-
que multas deprædatus est. — Ab Anna ad Caipham
summum sacerdotem missus est Jesus. — A venando (ou
a venatione) Esau redibat. — Ex Hispania in Galliam
transiit sanctus Dominicus. — Jesus a Caipha ad Pila-
tum ductus est. — Sanctus Paulus ex Phrygia iter in
Galatiæ regionem fecit. — A persequendis Persis Ale-
xander redibat. — Sanctus Gerardus a venatione rediens
conspexit sacellum diuque oravit. — A Pilato ad Hero-
dem Jesum Judæi duxerunt. — Redibat Ruth a colligen-
dis spicis. — Sanctus Paulus ex Mysia in Bithyniam vo-
lebat transire; sed Jesu spiritus id ei non permisit. —
Jesus ab Herode ad Pilatum ductus fuit. — Magdlena a
sepulcro rediens Jesu Christi resurrectionem apostolis
nuntiavit. — Judas ex cœnaculo exivit et adiit principes
sacerdotum.

142. — Per Italiam iter habuit sanctus Hilarius. —
Sanctus Paulus perlustrans ecclesias nonnunquam per
Philemonis domum iter faciebat. — Sanctus Martinus
miles per urbem Ambianum iter habuit. — Alexander
iter habuit per Massagetarum et Sogdianorum regiones.
— Cæsar per Vasconiam transivit. — Sanctus Paulus,
fidem prædicans, per Atheniensium urbem iter habuit.
— Sanctus Martinus, episcopus Turonensis, per Burgun-
diam transivit. — Polydamas qui ad Parmenionem per-
fidus ferebat litteras, per Cleandri domum iter fecerat. —
Cæsar iter fecit per urbem Massiliensium. — Sanctus
Paulus et Silas per Neapolim transiere. — Magi ad Hero-
dem non redierunt; alia via in regionem suam reversi
sunt.

Thème 59.

139-143. — Proveni natus est sanctus Theobaldus et in solitudine obiit. — Sanctus Vincentius a Paulo primum Aquas Augustas missus est, postea Tolosam et deinde Massiliam ivit. — Ex Anglia Antissiodorum redierat sanctus Germanus, et inde in Italiam proficisci coactus est. — Fulvius Flaccus Romam cum exercitu porta Capena ingressus est. — Sancta Pomposia Cordubæ in Hispania nata est. — Sanctus Franciscus Xaverius ex urbe Lutetia in urbem Romam ivit. — Sanctus Joannes Chrysostomus, qui Cucusi relegatus fuerat, per Cæsaream iter fecit. — Roma profectus est Augustus et in Gallias venit. — Tolosam redibat sanctus Vincentius a Paulo, sed a piratis captus est et in Africam adductus. — Ab occidendo Goliatho redibat David. — Treceis in lucem editus est papa Urbanus quartus. — Tres apostoli qui æterni Patris vocem in monte Thabor audierant, humi prostrati sunt. — Sanctus Victor martyrii palmam Massiliæ adeptus est. — In Europam rediens, sanctus Vincentius a Paulo appulit in Galliam et Romam ivit. — Attila Antissiodoro Treceas cupiebat prodire, sed sanctus Lupus, hujus urbis episcopus, eam periculo exemit. — Ubi soles hiemare? Parisiis. — Ad Lutetiam ivimus, non autem in hanc urbem ingressi sumus. — Sanctus Hieronymus Stridone in Dalmatia natus erat. — Atrebatii obiit sanctus Vedastus. — Domi militiæque floruit Aristides. — A peragrandis Hispaniæ urbibus redibat imperator Adrianus. — Neapolim ibimus viâ Ostiensi. — Trecenti Lacedæmonii ad Thermopylas occisi sunt cum suo rege Leonida; at Græci eorum mortem uli sunt et devicerunt Persas Marathone, Plateis et Salamine.

Thème 60.

139-143. — Sanctus Ambrosius missus est ex urbe Roma in urbem Mediolanum, cujus præsul fuit electus. — Sanctus Joannes ab exilio rediens, Ephesum ivit. —

Roma migravit sanctus Vincentius a Paulo, Galliam petivit et Lutetiam venit. — Unus lapis arrogantem Goliathum prostravit. — Assisii in Umbria orta est sancta Clara. — Sanctus Sebastianus Narbone natus, Mediolani educatus est. — Sanctus Vincentius a Paulo in Hiberniam, in Scotiam vicinasque insulas sacerdotes misit. Alios misit sacerdotes Tunetum, Tripolim necnon Algerium. — Ab invisendo Oceano Alexander redibat. — Cadurci natus est summus pontifex Joannes vicesimus secundus. — Omnes ad Jesum eamus et levabimur. — Augustus Roma expulit comædum Stephanionem. — Sanctus Bruno per Gratianopolim iter fecit. — In urbe Augustoduno natus est sanctus Symphorianus. — Sanctus Lupus Tullo ivit Matisconem, Matiscone ductus fuit Treceas, hujusque urbis præsul constitutus est. — In Italiam ierat sanctus Augustinus, in Africam reversus est et rus se recepit. — Rebecca Labano, qui erat domi, Eliezeris adventum nuntiavit. — Ab occidendis tribus Curiatii redibat Horatius. — In bello (ou In bellica [disciplina] inclaruit Scipio. — Post Jesu Christi obitum Virgo sancta apud sanctum Joannem habitavit. — Multos juvat hiemare in urbe et æstivare ruri. — Exercitus romanus porta Capena ex urbe exiit. — Romani ab Annibale devicti sunt ad lacum Trasimenum, sed illum apud Zamam vicerunt. — David humi prostratus opertusque cilicio Deo dicebat: « Ego peccavi, tuam in me iram converte, at tuo parce populo. »

Thème 61.

139-143. — Humi se prostravit imperator Theodosius et humiliter misericordiarum Patri supplicavit. — Drepani nata erat sancta Helena imperatoris Constantini mater. — Sancta Euphrasia Constantinopoli nata est et in Ægypto obiit. — Gentes quæ Alpes et Germaniæ partes incolebant, in Italiam intraverunt, illamque depopulatæ sunt. — Titum Alexandriam misit Vespasianus. — A Philomone Romam aufugit Onesimus. — Alexandria Treviris

exsulavit sanctus Athanasius. — Sanctus Paulus per Ephesiorum urbem iter habuit. — Sanctus Sidonius Claramontii præsul, in urbe Lugduno natus erat. — Sanctus Hieronymus per Constantinopolim iter habuit. — Fugit Joseph Bethlehem (ou Bethlehemâ ou o) in Ægyptum, et postea ex Ægypto in Galilæam rediit. — A propulsandis piratis revertebatur Pompeius. — Magdalenæ apparuit Jesus eique dixit: Vade ad fratres meos et dic eis: Ego ad meum et vestrum patrem, ad meum vestrumque Deum ascendo. — Cabillone (ou Cabilloni) natus est sanctus Cæsius. — Domi, non autem militiæ inclaruit Demosthenes. — Jesus Christus pluresque apostoli apud sanctum Matthæum cibum sumpserunt (ou cœnaverunt ou pranderunt). — Ad Joannis baptismum omnes affluebant. — Ex Africa in Italiam Annibal profectus est, multasque insignes reportavit victorias. — Maria et Joseph Nazaretho Bethlehem ierunt. — A sepeliendis mortuis revertebatur Tobias, et ingressus domum parieti accubuit. — Augustus Hispaniæ victor, Romam rediit. — Ecclesiæ hostes Romam porta Pia ingressi sunt.

Thème 62.

139-143. — Sanctus Franciscus Assisii in Italia natus est. — Sanctus Paulus, qui Romam ducebatur, per insulam Melitam iter habuit. — Samaritanus humi prostratus Jesu Christo gratias egit. — Nonnunquam apud Lazarum Jesus Christus cibum sumpsit. — Sanctus Laurentius Justinianus Venetiis natus est, obiitque in hac eadem urbe cujus fuerat electus episcopus. — Amor ad crucem et postea ad sepulcrum sanctas mulieres duxit. — Ex Italia in Africam profectus est Scipio, inelytumque ducem Annibalem devicit. — Cæsar per Claromontium iter fecit. — A persequendis fugientibus redibat Scipio. — Præsul Valerius diaconusque Vincentius ex urbe Cæsaraugusta in urbem Valentiam ducti fuerunt. — Sanctus Ludovicus Tolosæ episcopus Brinolii natus erat;

adhuc juvenis humi cubabat. Senis apud fratres minores hospitatus est. Florentiæ in cubiculo quod sibi erat paratum cubare noluit. — Burdigalæ aliquandiu exsulavit sanctus Cæsius, dein Arelatum rediit. — A Zachæo egressus Jesus Hierosolymam profectus est. — Alexander Scytharum et postea Indiorum per regionem transiit. — Sanctus Paulus et sanctus Barnabas apud proconsulem Publium qui fidem professus est hospitati sunt. — A subigenda Gallia redibat Cæsar. — Domum veni, via regali transiens. — Ausonius poeta et orator Burdigalæ natus est.

Thème 63.

139-143. — Sanctus Antoninus natus est Florentiæ cujus postea præsul electus est et in eadem urbe obiit; oratione delectabatur; domi vel in templo humi prostratus diu manebat. — Sanctus Paulus Athenas et deinde Corinthum ivit. — Domum properavit Martha et Mariæ dixit: Te vocat Magister. — In Africa natus est sanctus Cyprianus. — Ex Mysia in Macedoniam sanctus Paulus ivit. — Ravennam ivit sanctus Germanus, iterque fecit per Mediolanum. — Sanctus Augustinus rhetoricam primum Carthagine, deinde Romæ et Mediolani docuit. — Macer deformisque ab exilio rediit sanctus Lupus Senonensis episcopus. — Petrus ab ipso Deo admonitus ad Cornelium centurionem ivit. — Alexandro dixerunt Scytharum legati: Tu ex Europa in Asiam, et ex Asia in Europam transis. — Ad mortem veluti ad victoriam ibant martyres. — Sanctus Paulus Roma in Orientis regiones rediens, per insulam Cretam iter habuit. — Humi se prostravit rex Clotarius atque a sancto Lupo quem exilio affecerat veniam precatus est; apud regem sanctus præsul cibum sumpsit. — Ivit Paulus Athenis Corinthum, Corintho Ephesum, Epheso Cæsaream, Cæsarea Hierosolymam et Hierosolyma Antiochiam. — Cæsar in (ou per selon le sens) Helvetiorum regionem transiit. — Exiit

Annibal ab Antiocho qui illum Romanis tradere volebat. — Jesus Christus Hierosolymam tendens, per domum Zachæi, publicanorum principis, iter fecit. — Mahumetis sectatores Constantinopolim porta aurea ingressi sunt.

Thème 64.

139-143. — Alexandria in Ægypto natus est sanctus Athanasius. — Sanctus Irenæus qui in Græcia natus erat, in urbem Lugdunum missus est. — Messiae ortum nuntiaverunt angeli pastoribus qui in agro vicino greges custodiebant. — Sancti Annemundi (1) corpus Cabillone Lugdunum translatum fuit. — Sancta Joanna Francisca Gratianopoli, Bituricæ, Divione, Molinis, Aureliæ, Parisiis, multisque in aliis urbibus monasteria instituit. — Surgens sanctus Augustinus ab Alypio abcessit, flevitque libere. — Sanctus Joannes plures in Asia constituit ecclesias. — Apparuit Jesus Christus duobus discipulis qui rursus ibant. — Sanctus Franciscus Salesius primum Annecii, deinde Parisiis, tandemque Patavii litteris studuit. — Augustus Romam rediens, per Græciam iter habuit. — Domi bellicæ clarissimus fuit Parmenio. — Ivit sanctus Flavianus ad imperatorem Theodosium, Antiochenisque veniam impetravit. — Domi semper, nunquam foris cibum sumebat sanctus Ambrosius. — Sanctus Paulus in Macedoniam transire voluit. — Crux vera quæ Hierosolyma in Persiam illata fuerat, postea ex Persia Constantinopolim, et Constantinopoli Hierosolymam asportata est. — Peregrini eunt ad basilicam sanctæ Agnetis via Nomentana. — Aristides exulans primum se recepit ad Eubæos, postea vero domum rediit.

Thème 65.

139-143. — Valentiniani imperatoris uxor ad sanctum Germanum ægotantem ivit. — Ex Judæa in Galilæam

(1) Le même que Saint-Chamond ; et le Chalon dont il est ici question est Châlon-sur-Saône, et non Châlons-sur-Marne.

reversus est Jesus. — Pastores, a Domini angelo moniti, ad præsepium properaverunt. — Cibum cepit sanctus Martinus apud imperatorem Maximum a quo beneficium a se petitum impetravit. — Sanctus Barnabas Hierosolyma Antiochiam, et postea Antiochia cum sancto Paulo Hierosolymam missus est. — Annibal a rege Prusia exire non potuit. — Jesus, humi prostratus, orabat dicens : Mi Pater, istum a me transfer calicem. — Xerxes in Græciam per Thermopylas ingressus est. — Rex Clodovæus, reportata insigni victoria rediens, iter fecit per Tullum et Remos. — Paulus et Barnabas, insulam Cyprum lustrantes, per proconsulis Sergii Pauli domum iter fecerunt. — In urbe Burdigala natus erat sanctus Paulinus, ac Nolæ, in Campania, mortuus est. — Sanctus Ignatius Antiochia Romam ductus, iter fecit per domum sancti Polycarpi, Smyrnenensis episcopi. — Cæsar per Germanorum regionem transiit. Ivit sanctus Flavianus ex urbe Antiochia, cujus præsul erat, Constantinopolim. — Julius Vindex Gallique in Neronem, qui tunc commorabatur Neapoli rebellavit. — Jesum a Caiphæ domo in prætorium duxerunt Judæi. — Omne donum perfectum a Deo, Patre luminum, venit. — Catilina Roma egressus est via Aurelia. — Tarquinius Superbus Roma expulsus recessit Cumas, in Campaniam.

Thème 66.

139-143. — Sanctus Medericus natus est in urbe perantiqua Augustoduno. — Israelitæ per Idumæorum regionem transire non potuerunt. — Rure redibat Simon, qui crucem cum Jesu portavit. — Sanctus Paulus, Jesum Christum nuntians gentibus, per Athenas, per Corinthum, per Ephesum multasque alias urbes iter habuit. — Ad Dominum impius revertatur et misericordiam accipiet. — Perterritus Saulus humi prostratus hæsit. — Sanctus Petrus Joppe (1) in domo coriarii Simonis hospitabatur. —

(1) Joppe à l'ablatif, ou Joppæ au génitif; mais non Joppes, qui ne répond pas à l'ancien *locatif*.

Vir Dei apud Jeroboam cibum noluit sumere, sumpsit vero apud mendacem prophetam, ab eo deceptus. — Sanctus Cyprianus, magus cognomine, humi prostratus ad caelum oculos non audebat convertere. — Paulus et Barnabas qui Jerosolymam missi fuerant, cum Juda et Sila Antiochiam redierunt. — Vir Dei non eadem via reversus est. — Avenione Romam regressus est Gregorius papa undecimus. — Nec ad quietem sine labore nec ad victoriam sine praelio pervenire possumus. — Israelitæ per Amalecitarum et Moabitarum regiones iter fecerunt. — Ab obsidenda urbe Jerosolyma redibat imperator Titus. — Sanctus Felix domum portavit sanctum episcopum Maximum, quem moribundum invenerat. — Dionysius Tyrannus Syracusis pulsus, exstitit ludi magister Corinthi. — Quadam die Sparta redibat Diogenes. Unde venis? quæsit quidam. — A viris, ait.

Thème 67.

144-145. — Sexta hebdomadis die mortuus est Jesus, et die dominica, id est prima die sequentis hebdomadis revixit. — Decem annos placide regnavit Vespasianus, novem et sexaginta annos vixit. — Davidi dixit Jonathas: Post tres dies ego te de Saulis patris mei consilii admo-nebo. — Septem diebus Alexandri milites voragines altis-simos compleverunt. — Unum et quadraginta annos vixit Titus imperator, duosque duntaxat regnavit. — Tertio aut quarto anni mense Jesu Christi resurrectionem cele-bramus. — Sancto Laurentio dixit sanctus Xystus: Mi fili, ego te non derelinquo, tu me post tres dies sequeris. — Die decembris vicesima quinta celebratur Jesu Christi nativitas. — Judæis dicebat Jesus: Hoc templum evertite, illudque tribus diebus ego restituam. — Henricus quartus Galliam unum et viginti annos rexit, et die quarta decima maii, anno millesimo sexcentesimo decimo, trucidatus est. — Die quinta pisces et aves creati sunt. — Sanctus Alexan-der decem annos Romanæ præfuit Ecclesiæ. — Xerxes,

exercitum cui præerat considerans, cum suspirio dixit: Post centum annos militum meorum nullus supererit. — Ludovicus Philippus, Francorum rex, decem et octo annos regnavit. — Anno post Jesum Christum septuage-simo nono obiit Vespasianus. — O Romani, vos Titum humani generis vocatis delicias: eheu! post duos annos hujus dilecti viri principis mortem acerbè lugebitis. — Troja decem annos a Græcis obsessa fuit.

Thème 68.

144-145. — Sanctus Xystus novem annos pontificiam sedem occupavit. — Sexta die mensis januarii celebratur Epiphania Domini. — Duo millia leucarum septem annis circiter emensus est Alexandri exercitus. — Anno cen-tesimo post Christum natum Sanctus Clemens obiit. — Tredecim annos regnavit Nero duosque et triginta vixit. — Sancti apostoli, magistri vestri discessum ne lugeatis: post decem dies vos Spiritus Sancti donis implebimini. — Octavo septembris die sanctæ Virginis Mariæ ortum celebrat Ecclesia. — Philippides duobus diebus septem et quinquaginta leucas peragravit. — Die sexto homo creatus est, eodemque die Deus feminam formavit. — Legatis dixit Roboam: Post tres dies reditote. — Formica æstate laborat, quiescit hieme. — Anystis Lacedæmonius una die sexaginta leucas emensus est. — Circiter tres et sexaginta annos vixit imperator Trajanus, annosque un-deviginti, sex menses et quindecim dies regnavit. — Junii mensis die vicesima quarta sancti Precursoris nativitatem celebrat Ecclesia. — Discipulis dixit Jesus: Post biduum celebrabitur Pascha. — Alexandro dixere Scytharum le-gati: Arborea præcelsæ nonnunquam una hora extir-pantur. — Darium prodit et vincit Bessus; post paucos menses vincietur ipse et Alexandro tradetur. — Christo-phorus Columbus Americam reperit anno millesimo qua-dringentesimo nonagesimo secundo.

Thème 69.

146. — Pedes decem altus erat Goliathus, fere pedibus quinque Davide major erat. — Circiter centum quinque leucas a Parisiis distat urbs Londinum. — Sanctus Ludovicus ad vicesimum a Senonibus lapidem sanctam suscepit coronam spineam. — Magno pretio nos empti sumus. — Quinque et triginta leucas longa, et fere decem lata est insula Eubæa: quinque ergo et viginti leucis longior est quam latior hæc insula. — Trecentis et triginta leucis circiter a Parisiis distat urbs Roma. — Sanctæ Pomposæ parentes decem millia passuum a Corduba duplex monasterium condiderunt. — Ecbatanæ mœnia triginta cubitos alta erant; turres cubitis septuaginta erant mœnibus altiores. — Animæ nostræ salus Jesu Christi constitit sanguine. — Adduodecimum a Gratianopoli lapidem occurrit fons qui Fons Ardens dicitur. — Circiter centum et viginti leucas ab Amstelodamo distat Lutetia. — Quatuor tantum leucas lata est insula Melita, leucis quatuor longior est quam latior. — Sex et viginti millia passuum a Lugduno distat spelunca spatiosa, cujus ostium saltem centum metra altum est, latumque centum et viginti. — Piræus ab Athenis quadraginta stadia distabat. — Mensis februarius duobus vel tribus diebus brevior est cæteris mensibus.

Thème 70.

146. — Moyses fere quinque sæculis est Davide antiquior. — Corsica insula circiter octo et triginta leucas longa est et duodeviginti lata. — Leopoldus ad octavum a Vindobona lapidem magnificam ecclesiam ædificavit. — Aquæ frigidæ poculo nos cælum possumus emere. — Quinquaginta et trecentas leucas a Parisiis distat urbs Vindobona. — Insula Cyprus quinque et quadraginta leucas longa et triginta lata est: quindecim ergo leucis longior quam latior est hæc insula. — Sanctus Martinus

ad octavum a Pictavio lapidem, Locogiaci monasterium construxit. — Pagus Emmaus sexaginta stadiis a Jerosolyma distabat. — Virgilius circiter quatuor annis Horatio erat natu major. — Quinquaginta cubitos altum erat Amani patibulum. — Sex et triginta millia passuum ab urbe Gratianopoli distat mons qui mons Inaccessus dicitur. — Jesus Christus, quatenus homo, sex mensibus sancto Joanne erat posterior; quatenus vero Deus, tota æternitate erat illo prior. — Juxta poetam Horatium avarus quidam qui ægrotabat remedium, quod octo vel decem constabat assibus, repudiavit maluitque interire. — Coriolanus ad quartum a Roma lapidem castra posuit. — Trajanus Romæ posuit columnam centum quadraginta quatuor pedes altam.

Thème 71.

146. — S. Medericus in morbum incidit, cum duodecim millia passuum a Meloduno abesset. — Quingentis annis circiter urbe Aquis Sextiis antiquior est Massilia. — Themistoclis caput grandi pecunia emisset Artaxerxes. — Alsatia montes abietibus centum quinque et viginti pedes altis operiuntur. — Insula Creta quinque et septuaginta leucas longa est, quindecim vero lata; sexaginta ergo leucis longior est quam latior hæc insula. — Circiter quinque et quadraginta leucis urbs Nazareth a Bethleem distabat. Lazarus Bethaniae sepultus est, quæ quindecim ab urbe Jerosolyma stadia aberat. — Ingentibus pecuniis constitit regis Salomonis palatium. — Sinense imperium circiter centum et triginta leucis longius est quam latius. — Quinque leucas a Roma distat locus ubi S. Nil solitarius obiit. — Sancti Stephani, quem Juniorem cognominamus, cellula quinque dumtaxat pedes longa, tresque pedes lata erat. — Gallia rex, aiebat sanctus Ludovicus, pecunia non redimitur. — Circiter sexcentas et quinquaginta leucas a Lutetia distat Constantinopolis. — Insula Sardinia octo et viginti vel triginta leucas lata est, trigin-

taque vel duobus et triginta leucis est longior. — Alexandri caput grandi pecunia emisset Darius. — Ancus Martius ad sextum decimum a Roma lapidem Ostiam condidit.

Thème 72.

147-61. — Isaias omnibus aliis prophetis sublimi præstat facundia. — Apoplexi obiit sanctus Franciscus, episcopus Genevensis. — Totam vitam consumpsit Jesus Christus omnibus benefaciendo. — Quædam mulier regem Pyrrhum tegula interfecit. — Ingentem piscem branchiis apprehendit junior Tobias illumque aqua extraxit. — Deus Mariæ per angelum Gabrielem mysterium Incarnationis nuntiavit. — Per patientiam possidebitis animas vestras. — Clitum Alexander hasta occidit. — Jesus, siti ardens, felle et aceto potatus est. — Cantus dulcedine alias aves superat lusciniæ. — Aman superbus Mardochai equum loris trahere jussus est. — In captandis muscis unam fere horam quotidie consumebat imperator Domitianus. — Holophernis caput acinace præcidit Judith; alioquin siti interiissent Judæi. — Divites, pauperibus stipem erogando vestras impendite divitias. — Sancta Monica assiduis precibus conversionem filii sui Augustini impetravit. — Cæteras mulieres Judith pulchritudine, prudentia necnon et fortitudine superabat. — Achior qui ad arborem pedibus manibusque alligatus fuerat, Holophernis caput videns, Judithæ cumulate benedixit. — Manlius Capitolinus plebem alliciebat accusando senatores. — Hic vir, cui occurri, ambulans legebat.

Thème 73.

147-61. — Dictatura se abdicavit Sylla, tempusque deambulando et venando consumpsit. — Summo pontifici Gelasio, qui peste interierat, successit sanctus Gregorius: hic emicuit virtute et scientia, Magnusque cognominatus est. — Moyses virga quam gerebat, maris

divisit aquas, atque Israelitis transitum aperuit. — Prætoris satellites, summum pontificem Vigilem sub altari videntes, hunc pedibus, barba et capillis protraxerunt. — In texenda tela Tobijæ uxor tempus consumebat. — Darius per exploratores adventum Alexandri noverat. — Virginius lanii cultro filij suæ pectus transfixit. — Sub Justino, Roma fame interiisset; hic autem imperator Romanis naves frumento onustas misit. — In custodiendis gregibus noctem consumebant Palestinæ pastores. — In ædificando Jerosolymæ templo Salomon annos septem impendit. — Funda lapidem immisit David et Philistæum Goliathum occidit: omnes tamen Saulis milites, istum videntes gigantem metu tremuerant; David igitur fortitudine cunctos vicit Israelitas: pastor enim ille ursos et leones comprehendebat faucibus, illosque strangulabat. — Themistocles mare securum reddidit piratas persequendo. — Orator illo nomine dignus, in aliis docendis hominibus, in cupiditatibus coercendis, in moribus corrigendis, et in legibus tuendis, vitam consumere debet. — Annibal oculum amisit, per stagna transiens Etruriæ. — Davidi sui sceleris magnitudinem per prophetam Nathan Deus patefecit.

Thème 74.

147-148. — Aristidem ob summam ejus æquitatem, Athenienses reverebantur. — Sanctus Paulus, Dei et Ecclesiæ causa omnia tolerabat. — Milites morti se obiciunt ad patriæ gloriam. — In urbem Samariam ierunt apostoli ad emendos cibos. — Omnes Jesum ibant audituri. — Vitellium propter ejus sævitiam atque ingluviem Romani abhorrebant. — Vasa sacra vendidit sanctus Ambrosius, pretiumque in sublevandis pauperibus erogavit. — Qui Jesu Christi causa aquæ frigidæ dat poculum, mercede sua non destituetur. — Sertorius per suam cervam albam noverat omnia romanorum ducum consilia. — Ivit sanctus Franciscus Parisios ad studen-

dum rhetoricæ, philosophiæ ac theologiæ; ivit postea Paduam ad juri studendum. — Accurrebant milites Panopionem proscriptum occisuri; Panopionis servus, ad decipiendos milites, heri sui vestes induit, et illius loco interfectus est. — Sanctus Laurentius Justinianus abundantes eleemosynas pauperibus distribuebat per manus clericorum qui ipsum comitabantur. — Venerant Galli Romam obsessum, venere Manlius Romanique ad illos arcendos. — Jesus Christus hominum gratia mortem appetere voluit; homines vero Jesu Christi causa nihil pati volunt. — Fabius Maximus rempublicam romanam servavit cunctando. — Plato mortuus est scribens.

Thème 75.

147-148. — Ad serviendum et moriendum Jesus Christus in terram venit. — Sanctus Joannes propter facundiam suam Chrysostomus sive Os Aureum cognominatus est. — Sanctus Antonius sancti Athanasii pallium ivit quæsiturus, sanctique Pauli corpus sepultum rediit. — Deum orando noctem duxit Jesus, et deinde duodecim apostolos elegit. — Persæ per proditorem cognoverant viam quæ ducebat ultra saltus a Græcis occupatos. — Venerunt nonnulli Judæi Martham et Mariam consolatum. — Sanctus Paulus, sui purgandi gratia, coram rege Agrippa sermonem habuit. — Cicero omnibus latinis oratoribus præstat facundia. — Pastoribus dixit angelus: Vobis ego prospera nuntiatum venio: natus est vobis hodie Salvator. — Cato fratris sui causa, qui in morbum inciderat, periculosum iter suscepit. — Venit Jesus ad nostris vulneribus medendum. — Imperator Vitellius spernebatur propter suam ingluviem. — Sanctus Joannes Domino præivit, ad parandas ei vias. — Bonus pastor ad securitatem ovium suarum vigilat. — Avare, in congerendis nummis vitam tuam consumis; in abstergendis miserrimum lacrymis tuas impende divitias. — Iverant mulieres sanctæ Jesu Christi corpus aromatibus condituræ, et Sal-

vatoris resurrectionem nuntiantes redierunt. — Themistocles per fidissimum servum Xerxem de consilio Græcorum monuit. — Themistoclem Eurybiades volebat percutere baculo: Percute, ait ille, sed audi. — Brutus mortuus est dimicans. — Annibal dubitando amisit quod lucratus erat pugnando.

Thème 76.

147-148. — Peccatores per Virginis Mariæ preces a Deo veniam obtinebunt. — Nonnullis apostolis dixit sanctus Petrus: Eo piscatum, illique eum sunt comitati. — Sanctus Joannes ob castitatem suam a Jesu Christo præcipue fuit dilectus. — Sanctus Joseph per Angelum Domini cognovit pericula quæ Infanti Jesu imminebant. — Summi Sacerdotis Heli filios ob eorum avaritiam oderant. Viri apostolici vitam suam ad salutem animarum produunt. — Jesus Christus pedibus manibusque cruci affixus est. — Imperator Augustus ob clementiam suam laudatus est. — Carolus Magnus ab omnibus hostibus propter suam virtutem timebatur. — Deus prophetam Danielem in lacu leonum per alium prophetam aluit. — Venerat Holofernes Judæam subactus. — In alendis Jesu Christi membris immensas opes impendit sanctus Paulinus. — Deus Judæis legem timoris per Moysem suum prophetam, nobis vero legem amoris per proprium Filium suum dedit. — Formidabatur Dionysius Tyrannus ob suam sævitiam. — Sanctus Paulus suas scripsit epistolas ad erudiendos omnes christianos. — Marius, cui nullus Romanus virtute præfuit, priorem vitæ suæ partem consumpsit terram arando; et artem militarem pugnando didicit.

Thème 77.

139-148. — Magi qui Bethleemum ibant Jesum Christum adoraturi, per Hierosolymam iter fecere; at Bethleemo redeuntes non habuerunt iter per regis Herodis palatium.